

Održan sastanak Mješovite komisije o međunarodnom cestovnom prijevozu putnika i tereta između delegacija Bosne i Hercegovine i Republike Letonije

Na prijedlog letonske strane, dana 20. i 21. marta 2014.godine, u Sarajevu, je održan sastanak Mješovite komisije o međunarodnom cestovnom, prijevozu putnika i tereta između delegacija Bosne i Hercegovine i Republike Letonije.

U uvodnom dijelu sastanka delegacije su razmijenile informacije po pitanju međunarodnog cestovnog prijevoza putnika i tereta između Bosne i Hercegovine i Republike Letonije.

U oblasti prijevoza putnika između dvije države dogovoreno je da se povremeni prijevoz odvija u skladu sa odredbama Sporazuma INTERBUS. U pogledu mogućnosti uvođenja usputnih stanica u drugoj zemlji na redovnoj autobuskoj liniji između Bosne i Hercegovine i Republike Letonije, delegacija Republike Letonije je informirala bosanskohercegovačku stranu da ne postoje prepreke za uvođenje takvih usputnih stanica, te da se iste mogu uvesti u skladu sa odredbama odgovarajućih sporazuma sa zemljama u kojima se takve stanice planiraju uvesti.

U dijelu usaglašavanja kontigenta dozvola za 2015.godinu, dvije delegacije su nakon kraće diskusije dogovorile preliminarni kontigent od 100 dozvola, koje vrijede istovremeno za bilateralni i transport tereta za/iz treće države. Dogovoreno je da dozvole za prijevoz tereta, izdate za tekuću godinu važe do 31.januara naredne godine.

Delegacija Republike Letonije je informirala bosanskohercegovačku delegaciju da Republika Letonija, u skladu sa propisima EU, od 01.jula 2014.godine, namjerava uvesti elektronsku naplatu cestarine na glavnim cestama, za vozila koja prelaze 3.5 tone dopuštene nosivosti. Visina iznosa naknade cestarina bit će jedinstvena i iznositi će 11,00 EUR po danu uz mogućnost kupovine na dnevnoj, sedmičnoj, mjesečnoj i godišnjoj osnovi.

Za više informacija možete pogledati sačinjeni tekst Protokola sa sastanka Mješovite komisije o međunarodnom cestovnom prijevozu između delegacija Bosne i Hercegovine i Republike Letonije.